

Exercicios autoavaliables. Impress

- 1) Entra no Impress e crea unha presentación de tres diapositivas. A transición entre elas será predefinida (haberá que facer clic para pasar á seguinte) terán todas fondo Blue and Grey, e o efecto de presentación será para todas barrido horizontal rápido.

A primeira diapositiva conterá un título en grande con bordo, que poña “O Sistema Solar” e debaixo una foto do sistema solar na que se vexan os planetas (que podemos sacar dalgunha páxina Web de Internet).

A segunda terá un título que poña “Planetas” e a mesma foto da diapositiva inicial, e cada vez que fagamos clic co rato na diapositiva aparecerá un nome de planeta a beira de cada un, facendo cada nome unha rotación para situarse.

A terceira diapositiva terá un título que poña “A Terra”, e debaixo terá algunhas características dela, e a súa esquerda unha foto da terra sacada dalgunha páxina Web de Internet. As características irán aparecendo unha a unha cada vez que facemos clic na diapositiva, e aparecerán con efecto disolver e logo, efecto de movemento circular.

O resultado será similar ao seguinte:

Diapositiva 1.



Diapositiva 2.



Nota: os nomes dos planetas irán aparecendo con cada clic nesta diapositiva

Diapositiva 3:




A Terra






TAMAÑO: Radio ecuatorial: 6.378 km.
DISTANCIA AO SOL: 149.600.000 km.
Día: periodo de rotación sobre o eixo: 23.93 h
Ano: órbita arredor do Sol: 365,256 días

Solución ao exercicio autoavaliable 1

- 1) Entramos no programa Impress
- 2) Na primeira pantalla deixamos os valores como están. Pulsamos Seguinte
- 3) Seleccionamos da lista de debaixo de Fondos de presentación o valor Blue And Grey. Vemos o fondo elixido na pequena ventá de previsualización. Pulsamos Seguinte.
- 4) Na lista efecto collemos o valor Barrido Horizontal e na lista velocidade collemos o valor Rápido. Deixamos o valor predefinido en tipo de presentación. Pulsamos o botón Crear.
- 5) Xa estamos no área de traballo da primeira diapositiva.
 - a. Imos poñer o título “O Sistema Solar”. Como é un texto, facemos clic na icona Texto  da barra de ferramentas de debuxo da parte inferior. Pinchamos na parte superior do área de traballo (mais ou menos onde queremos que comece o título) e arrastramos o rato ata que teñamos aproximadamente o tamaño necesitado (pódese cambiar unha vez escrito o texto). Aparece un recadro similar ao seguinte co cursor parpadeando para empezar a escribir.



- b. Escribimos o texto: O Sistema Solar. Imos darlle un tamaño de 32 puntos. Para isto, seleccionamos o texto, e escollemos o valor 32 na lista de tamaño da barra de ferramentas da parte superior . Collemos 32. Agora centramos o texto no recadro coa icona centrado da mesma barra de ferramentas .
 - c. Poñemos un bordo ao recadro. Pulsamos co botón dereito do rato sobre o recadro e collemos a opción Liña. Na lista Estilo collemos o valor Continuo. Na lista Cor collemos o valor Vermello, e na lista largura pinchamos na frecha arriba ata que apareza o valor 0.10 cm. Pulsamos o botón Aceptar. Xa temos o título. Lembrar que podemos mover a súa posición en calquera momento.


Nota: É moi importante Gardar a presentación, por exemplo, neste punto (ou antes) para non perder o traballo que levamos feito. Lembrar pulsar a icona Gardar  da barra de ferramentas superior, e como sempre darlle un nome e elixir unha carpeta (a primeira vez que lle damos a esta icona). As posteriores veces debemos gardar a medida que avanzamos pero xa non pide o nome.

- 6) Iremos agora a poñer a imaxe do Sistema Solar.
- Entramos en Internet co Internet Explorer, o Mozilla Firefox ou calquera outro navegador. Iremos por exemplo a dirección:

http://blogdeurbanomartin-umah.blogspot.com/2009_02_01_archive.html.

Se non aparece a foto nesta páxina buscamos en Internet calquera outra que teña os planetas, pero sen os seus nomes.




- Vemos unha imaxe do Sistema Solar. Co botón dereito do rato enriba dela collemos a opción Copiar. Iremos á presentación e co botón dereito sobre a diapositiva collemos a opción Pegar. Ampliamos o seu tamaño cos cadríños verdes que aparecen nos bordos da imaxe. **O resultado debe ser similar ao que aparece no enunciado para a diapositiva 1.**
- 7) **Engadimos a 2ª diapositiva.** Podémolo facer pulsando o botón dereito do rato sobre a miniatura da 1ª diapositiva (da barra de diapositivas da esquerda) e collendo a opción Nova diapositiva. Vemos agora a segunda diapositiva no área de traballo para iniciar o seu deseño.
- Para poñer o título “Planetas” podémolo facer como na primeira, ou ben copiar o título da primeira á segunda diapositiva e cambiar o texto.
 - Facemos clic na miniatura da primeira diapositiva
 - Facemos clic no título
 - Facemos clic co botón dereito do rato no bordo do título (cando apareza a dobre frecha) , e collemos a opción Copiar.
 - Iremos a segunda diapositiva facendo clic na súa miniatura
 - Facemos clic co botón dereito do rato no área de traballo, collemos a opción Pegar, e situamos o título correctamente.
 - Seleccionamos o Texto (O Sistema Solar) e escribimos o novo (Planetas).
 - Facemos o mesmo para copiar a imaxe da primeira á segunda diapositiva.
 - O resultado debe ser o seguinte:



- 8) Engadimos os nomes dos planetas e situámoslos a beira de cada un deles. Xa nos encargaremos posteriormente de poñerlles os efectos necesarios para que aparezan ao facer clic na diapositiva. Engadimos pois, 9 textos, e situámoslos. Debe quedar así:



Para colocar cada texto facemos o seguinte:

- Clic na icona texto  da barra de ferramentas de debuxo.
- Situamos o recadro no área de traballo cun tamaño suficiente para conter o nome do planeta que vamos engadir. (non é necesario situalo exactamente no seu sitio, podémolo facer nun sitio libre da diapositiva onde se vexa mais claro e móvelo despois a beira do seu planeta).
- Escribimos o nome do planeta.
- Seleccionamos o texto e lle damos tamaño 10 puntos  e Cor de letra  branco, despregando na frecha desta icona a táboa de cores.
- Axustamos mediante os cadriños verdes o tamaño do recadro ao texto
- Situamos o nome a beira do seu planeta arrastrándoo (xa sabemos que para arrastrar un elemento debemos poñernos enriba do recadro co rato e, cando apareza a frecha dobre facemos clic, e sen soltar arrastrámolo a posición que queremos).
- Repetimos os pasos anteriores para cada nome de planeta.

Xa temos rematado o deseño da segunda diapositiva. Agora podemos engadir os efectos ou deseñar a terceira e poñer todos os efectos ao finalizar o deseño. Vamos facelo deste último xeito:

Nota: Lembrar gardar as veces que consideremos necesarias para non perder o traballo.

Este é un bo momento. .

- 9) **Engadimos a terceira diapositiva**, como xa sabemos. Clic na miniatura da segunda co botón dereito do rato, opción Nova diapositiva.
- a. Para crear o título, copiámolo dunha das anteriores e cambiamos o texto, poñendo A Terra.
 - b. Engadimos unha imaxe da Terra copiándoa dalgunha páxina web. Aliñamos esta imaxe a esquerda, para deixar espazo a dereita dela para poñer as características pedidas.
 - c. Engadimos tantos textos como características poñamos. (Por ex. catro).

Podería quedar así:

A Terra



TAMAÑO: Radio ecuatorial: 6.378 km.


DISTANCIA AO SOL: 149.600.000 km.

Día: periodo de rotación sobre o eixo: 23.93 h

Ano: órbita arredor do Sol: 365,256 días

Como vemos puxemos catro textos para as características. De momento non puxemos os efectos. Xa temos completo o deseño da presentación. Imos cos efectos dos elementos.

- 10) Para os efectos, comezamos polos nomes dos planetas. Dixemos que van ir aparecendo cando facemos clic na diapositiva.
- Imos a diapositiva 2, facendo clic na súa miniatura.
 - Facemos clic no primeiro nome (Mercurio).
 - Na barra de tarefas da dereita collemos a solapa Animación personalizada.
 - Debaixo de Modificar efecto pulsamos o botón Engadir.
 - Na solapa Entrada buscamos o efecto chamado Rotación e pulsamos Aceptar.
 - Fixámonos no valor que ten a lista Iniciar dentro do apartado Efecto Rotación e vemos que ten o valor "Cando prema". Isto é o que queremos, que apareza cando fagamos clic ou pulsemos a tecla espazador.
 - Vemos que debaixo destes valores xa aparece a ventá de efectos co novo que acabamos de engadir. A medida que engadimos efectos, van aparecendo nesta ventá.



h. Repetimos os pasos (b ata g) para os outros nomes de planeta.

De novo é un bo momento para gardar.

- 11) Facemos o mesmo para os efectos da terceira diapositiva, pinchamos en cada característica e neste caso engadimos dous efectos. Engadir→Solapa Entrada→Disolver e pulsamos Aceptar, e de novo Engadir→Solapa Camiños de movemento→Círculo e Aceptar e poñemos en iniciar o valor Após o anterior para que non haxa que pulsar clic entre os dous efectos..
- 12) Repetimos isto para cada unha das outras tres características.

Xa temos rematada a presentación. Gardámola de novo e podemos vela poñéndonos na primeira diapositiva (clic na súa miniatura) e pulsando a tecla F5 ou a opción do menú Presentación de diapositivas→Presentación de diapositivas.